



Broj: 01/08- 11-2040-2/21  
Sarajevo, 29.07.2021. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08 - Prečišćeni tekst) gradonačelnica Grada Sarajeva, donosi:

**ODLUKU**  
**o poništenju postupka javne nabavke**  
**Konkurs za izradu idejnog rješenja**

**I**

Poništava se postupak javne nabavke pokrenut Odlukom broj: 01/08-11-2040/21 od 07.05.2021. godine putem Konkursa za izradu idejnog rješenja – Izrada idejnog rješenja za podizanje spomenika na lokalitetu Kazani, iz razloga jer nijedan od primljenih idejnih rješenja nije prihvatljiv za ugovorni organ.

**II**

Ova odluka stupa na snagu danom donošenja.

**Obrazloženje:**

Odlukom broj: 01/08-11-2040/21 od 07.05.2021. godine, pokrenut je postupak javne nabavke putem Konkursa za izradu idejnog rješenja – Izrada idejnog rješenja za podizanje spomenika na lokalitetu Kazani. Obavještenje o javnoj nabavci objavljeno je na portalu Agencije za javne nabavke broj: 1278-6-2-122-3-12/21 od 07.05.2021. godine.

Ispravka za obavještenje o nabavci broj:1278-6-2-122-8-13/21 od 07.05.2021. godine objavljena je na portalu Agencije za javne nabavke.

Ispravka za obavještenje o nabavci broj:1278-6-2-122-8-17/21 od 03.06.2021. godine objavljena je na portalu Agencije za javne nabavke.

Tenderska dokumentacija objavljena je na web strani ugovornog organa dana 07.05.2021. godine.

U određenom roku za dostavljajne idejnih rješenja, na protokol ugovornog organa zaprimljeno je 5 (pet) radova.

Konkursna Komisija imenovana Rješenjem broj: 01/08-11-2040-1/21 od 16.06.2021. izvršila je otvaranje prispjelih radova dana: 28. 06.2021. godine.

Nakon otvaranja radova/idejnih rješenja izvršena je detaljna analiza istih.

Nakon izvršenog pregleda svih pristiglih radova Konkursna komisija je konstatovala da se zbog nivoa kvaliteta prispjelih ideja u odgovoru na postavljene kriterijumime u pristupu kreiranja Spomen obilježja, likovno umjetničkog izraza, ponuđenih ideja, funkcionalnog koncepta, integriranja u kontekst predložene mikro lokacije i nedostataka u opremi detalja iz predložaka, nijedan rad nije prihvatljiv.

Pojedini autori nisu dostavili materijalizaciju dijelova ili kompletnog spomen obilježja, te se nije mogla izvršiti ocjena Ekonomskog kriterija: Racionalnost i ekonomičnost rješenja (usklađenost kreativnih i komercijalnih aspekata ponuđenog rješenja), odnosno nije bilo moguće utvrditi procijenjenu vrijednost ponuđenog idejnog rješenja, obzirom da autori u svojim radovima isto nisu naveli.



Većinom glasova, Konkursna komisija daje preporuku gradonačelnici da se postupak poništi iz razloga jer nijedan od primljenih idejnih rješenja nije prihvatljiv za ugovorni organ.

Tri člana Konkursne komisije, dostavili su izdvojeno mišljenje koje je sastavni dio Zapisnika i preporuke Konkursne komisije.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Prihvatajući preporuku Komisije, gradonačelnica donosi ovu Odluku.

**POUKA O PRAVNOM LIJEKU:** Protiv ove Odluke može se izjaviti žalba putem ugovornog organa u roku od 10 (deset) dana od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**GRADONAČELNICA**

Doc. dr. Benjamina Karić

Dostaviti:

- Autorima
- a/a